




# ხაშურის მთაშენი



№6 (187)

11 თებერვალი, ორშაბათი,

2019 წელი



## საკრებულოს სესია

5 თებერვალს, გაიმართა ხაშურის მუნიციპალიტეტის საკრებულოს მორიგი სხდომა, რომელსაც უძღვებოდა საკრებულოს თავჯდომარე მიხეილ ჯანაშვილი

საკრებულოს წევრებმა სესიაზე 13 საკითხი განიხილეს. გადაუდებელი აუცილებლობისგან გამომდინარე, ცვლილებები შევიდა საკრებულოს ადრემილურ რამდენიმე დადგენილებაში. დამტკიცდა ხაშურის მუნიციპალიტეტის საკუთრებაში არსებული ქონების პრივატიზაციის გეგმა.

სესიაზე წარმოდგენილი იქნა ხაშურის მერიის ეკონომიკური სამსახურის ანგარიში 2018 წელს გაწეული საქმიანობის შესახებ (იხილეთ მეორე გვერდზე). საკრებულოს წევრებმა წარმოდგენილი ანგარიში და მერიის ეკონომიკური სამსახურის საქმიანობა დადებითად შეაფასეს.



## ახალი საგრანტო პროგრამები მოქმედებს ინებს

ხაშურის მუნიციპალიტეტის მერიაში შიდა ქართლის მხარეში სახელმწიფო რწმუნებულის-გუბერნატორის მოადგილე ნუგზარ სამხარაძე მერის წარმომადგენლებს შეხვდა. შეხვედრას ესწრებოდნენ რეგიონული პროექტების კოორდინირების სამსახურის ხელმძღვანელი გიგა ბუგიანიშვილი, ხაშურის მუნიციპალიტეტის მერის პირველი მოადგილე ზვიად ქურდაძე და სოფლის მეურნეობის სამინისტროს ადგილობრივი საკონსულტაციო-საინფორმაციო ცენტრის წარმომადგენლები.

გუბერნატორის მოადგილემ და სტუმრებმა მერის წარმომადგენლებს გააცნეს ის საგრანტო პროგრამები და შესაძლებლობები, რასაც სხვადასხვა დონორი ორგანიზაციები რეგიონის მასშტაბით ახორციელებენ და ისაუბრეს, თუ როგორ შეუძლიათ დაინტერესებულ მოქალაქეებს ამ პროგრამებით სარგებლობა.

მერის წარმომადგენლები მიღებულ ინფორმაციას შესაბამის ადმინისტრაციულ ერთეულებში გაავრცელებენ, რათა დონორი ორგანიზაციების შემოთავაზება მაქსიმალურად ბევრი მოქალაქისთვის გახდეს ხელმისაწვდომი.

## სახალხო დამცველმა სურამის განახლებული ფსიქიატრიული უცხოეთიანი მოინახულა

2019 წლის 5 თებერვალს, საქართველოს სახალხო დამცველმა ნინო ლომჯარიამ სურამის განახლებული ფსიქიატრიული კლინიკა მოინახულა და დაწესებულების სარეაბილიტაციო და სარემონტო სამუშაოების შედეგებს გაეცნო.

ნინო ლომჯარიამ სურამის ფსიქიატრიულ დაწესებულებაში პირველი ვიზიტი 2018 წლის მარტში განახორციელა, როდესაც იქ არსებული ინფრასტრუქტურა და პირობები ბენეფიციარებისთვის ღირსების შემლახავ გარემოდ შეაფასა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს - პაციენტების ადამიანის ღირსებასთან თავსებად პირობებში განთავსების დაუყოვნებლივ უზრუნველყოფის რეკომენდაციით მიმართა.

მისასალმებელია, რომ სახალხო დამცველის რეკომენდაციების და პაციენტთა მძიმე ყოფის ამსახველი ფორტმასხალის გავრცელების შედეგად, სურამის ფსიქიატრიული კლინიკის მეწეჯემენტში განხორციელდა ცვლილებები და დაიწყო მასშტაბური სარემონტო სამუშაოები, რომლის ფარგლებში, სრულად განახლდა საცხოვრებელი კორპუსის სახურავი, კომუ-



ნიკაციები, შიდა ინფრასტრუქტურა; მოწესრიგდა კვების საკითხი; თუმცა, ფიზიკური გარემოს მისაწვდომობა კვლავ პრობლემად რჩება.

მიუხედავად სურამის დაწესებულების პაციენტთა საყოფაცხოვრებო პირობების გაუმჯობესებისა, სახალხო დამცველმა ხაზგასმით აღნიშნა, რომ ფსიქიკური ჯანმრთელობის პრობლემის მქონე ადამიანთა დიდი ზომის ინსტიტუციებში ცხოვრება ვერ ნაითვლება მათი უფლებების დაცვის მაღალ ხარისხად. ამ მიმართულებით, ქვეყანაში კვლავ სერიოზული გამოწვევებია. დღეისათვის 10 დიდი ზომის ფსიქიატრიული დაწესებულება ფუნქციონირებს, სადაც არსებული პირობები და თერაპიული გარემო ვერ უზრუნველყოფს პაციენტთა ღირსეულ ცხოვრებასა და უფლებების დაცვას.

ნინო ლომჯარია იმედოვნებს, რომ პოლიტიკის განმსაზღვრელი სახელმწიფო უწყებები უმოკლეს ვადებში გადადგამენ ეფექტიან ნაბიჯებს დეინსტიტუციონალიზაციის პროცესისა და ფსიქიკური ჯანმრთელობის სფეროში თემზე დაფუძნებულ, მათ შორის, საოჯახო ტიპის მომსახურების განვითარების ხელშესაწყობად.



### ხაშურის მუნიციპალიტეტის საკრებულო განკარგულება №10

2019 წლის 5 თებერვალი, ხაშური  
ხაშურის მუნიციპალიტეტის მერიის ეკონომიკური  
განვითარების სამსახურის მიერ წარმოდგენილი 2018 წელს გაწეული  
მუშაობის ანგარიშის შეფასების შესახებ

ხაშურის მუნიციპალიტეტის საკრებულომ, 2019 წლის 5 თებერვლის  
სხდომაზე, ხაშურის მუნიციპალიტეტის საკრებულოს 2019 წლის პირველი  
კვარტლის სამუშაო გეგმის შესაბამისად, მოისმინა ანგარიში ხაშურის მუ-  
ნიციპალიტეტის მერიის ეკონომიკური განვითარების სამსახურის მიერ 2018  
წელს გაწეული მუშაობის შესახებ, რომელიც საკრებულოს მიერ შეფასდა  
დადებითად.

საქართველოს ორგანული კანონის „ადგილობრივი თვითმმართველო-  
ბის კოდექსის“ 24-ე მუხლის 1-ლი პუნქტის „გა“ ქვეპუნქტისა და 61-ე მუხლის  
1-ლი და მე-2 პუნქტების შესაბამისად, ხაშურის მუნიციპალიტეტის საკრებუ-  
ლო ადგენს:

1. დადებითად იქნას შეფასებული ანგარიში ხაშურის მუნიციპალიტეტის  
მერიის ეკონომიკური განვითარების სამსახურის მიერ 2018 წელს გაწეული  
მუშაობის შესახებ.

2. განკარგულება ძალაში შედის ხაშურის მუნიციპალიტეტის საკრებუ-  
ლოს ვებ-გვერდზე [www.khashuri.org.ge](http://www.khashuri.org.ge) გამოქვეყნებისთანავე.

3. განკარგულება შეიძლება გასაჩივრდეს დაინტერესებული პირის მიერ  
მისი გაცნობის დღიდან ერთი თვის განმავლობაში სარჩელის წარდგენის  
გზით, ხაშურის რაიონულ სასამართლოში (მისამართი: ხაშური, კოსტავას ქ.  
№15).

მიხეილ ჯანაშვილი, საკრებულოს თავმჯდომარე

საანგარიშო პერიოდში, ხაშურის მუნიციპალიტეტის გამგე-  
ობის ეკონომიკური განვითარების სამსახურის ინფრასტრუქტურ-  
ის განვითარების, კეთილმოწყობის განყოფილების მიზანმიმარ-  
თული ღონისძიებები ხორციელდებოდა მუნიციპალიტეტის  
სოფლებში და ქალაქ ხაშურში, ინფრასტრუქტურული პრობ-  
ლემების მოგვარების მიზნით.

წარმოდგენილ ანგარიშ-  
ში ყურადღებაა გამახვილებუ-  
ლი სამსახურის დებულებით  
განსაზღვრული უფლებამო-  
სილებების განხორციელებისა  
და ყოველდღიური საქმიანო-  
ბის ზოგიერთ მნიშვნელოვან  
ასპექტზე, რომელიც მოიცავს  
- ადგილობრივი მნიშვნე-  
ლობის გზების მოვლა -შე-  
ნახვის, მოსახლეობის კომუ-  
ნალურ-საყოფაცხოვრებო და  
სატრანსპორტო მოსახურების  
გაუმჯობესების, მოსახლეობის  
სასმელი წყლით მომარაგების,  
სარწყავი და ღვარსადენი არხების გაწმენდის, გარე განათების  
მოწყობის, დასუფთავებას და სხვა ინფრასტრუქტურული პრობ-  
ლემების მოსაგვარებლად მიმართულ ღონისძიებებს.

სამსახურის მიერ მნიშვნელოვანი სამუშაოები განხ-  
ორციელდა რეგიონებში განსახორციელებელი პროექტების ფონ-  
დიდან

საქართველოს მთავრობის 2018 წლის 18 იანვრის №136  
განკარგულებით ხაშურის მუნიციპალიტეტს „რეგიონებში გან-  
სახორციელებელი პროექტების ფონდიდან“ გამოეყო 3 007 281  
ლარი აღნიშნული თანხები გადაანაწილდა შემდეგ პროექტებზე.

1. სოფელ ქვიშხეთში, გზის მოასფალტება - 955 925 ლარი;
  2. სოფელ ტეხერში შესასვლელი გზის მოასფალტება - 541 000 ლარი;
  3. დაბა სურამში, 26 მაისის ქუჩის მოასფალტება - 542 401 ლარი;
  4. სოფ.ხემო ოსიაურში, გზის მოასფალტება - 913 449 ლარი;
  5. დაბა სურამში წმინდა მარიაშვილის ქუჩის მოასფალტება - 212 145 ლარი;
  6. დაბა სურამში, ლესია უკრაინკას ქუჩის მოასფალტება - 282 145 ლარი;
  7. დაბა სურამში 26 მაისის ქუჩის მონაკვეთზე ბეტონის საფა-  
რის მოწყობა - 44 955 ლარი.
- სამუშაოები განხორციელდა ასევე ადგილობრივი ბიუჯეტიდან  
გამოყოფილი სახსრებით, კერძოდ:
1. ქ. ხაშურში, ასათიანის და ოსტროვსკის ქუჩებზე, საკანალი-  
ზაციო ქსელის მოწყობა - 35 983 ლარი;
  2. სპორტკომპლექსის მიმდებარე ტერიტორიის მოასფალტება  
- 40 000 ლარი;
  3. რბონის ხიდის რეაბილიტაცია - 38 611 ლარი;
  4. სათივის ხიდის რეაბილიტაცია - 13 242 ლარი;
  5. სოფელ ცხრაძუხის სტადიონზე გასახდელეების და სველი  
წერტილების მოწყობა - 47 187 ლარი;
  6. სოფელ ალის საჭიდაო დარბაზში იატაკის რეაბილიტაცია  
- 22 125 ლარი;
  7. სოფელ წრომში, საბავშვო ბაღის ეზოს შემოღობვა - 22 080  
ლარი;
  8. დაბა სურამში, ნაპირსამაგრი კედლის მოწყობა - 60 202  
ლარი;
  9. ქ. ხაშურში, სპორტკომპლექსის დარბაზის კეთილმოწყობა -  
421 000 ლარი;
  10. სოფელ ტეხერში, საბავშვო ბაღის ეზოს კეთილმოწყობა -  
22 000 ლარი;
  11. სოფ. ქვიშხეთში და გომში მინი სტადიონების მოწყობა -  
100 000 ლარი;
  12. ქ. ხაშურში, თამარ მეფის ქუჩაზე ღობეების მოწყობა - 43  
000 ლარი;
  13. სოფ. ქინძათში, ხიდბოგირის მოწყობა - 23 990 ლარი;
  14. ქ. ხაშურში, ბანის სამონასტრო კომპლექსამდე წყალმომარ-  
აგების ქსელის მოწყობა - 105 000 ლარი.
- სულ ჯამში - 1 003 778 ლარი.

საანგარიშო პერიოდში, სამსახური, კანონმდებლობით მინიჭებუ-  
ლი უფლებამოსილების ფარგლებში, ახორციელებდა სახედასხედ-  
ველო ფუნქციებს, ასევე მსხვილ პროექტებზე ზედამხედველო-

ბას უწევს ტენდერში გამარჯვებულ კომპანია შპს „ოპტიმალ  
გრუპი“-ს. მჭიდროდ ვთანამშრომლობთ კონტრაქტორ კომპა-  
ნიებთან, სამინისტროსა და სხვადასხვა უწყებების დაქვემდებარე-  
ბაში შემავალ სამსახურებთან და ყველა იმ ორგანიზაცი-  
ასთან, რომლებიც ამა თუ იმ ფორმით დაკავშირებული არიან  
და ახორციელებენ ინფრასტრუქტურულ პროექტებს ხაშურის

## ხაშურის მუნიციპალიტეტის გამგეობის ეკონომიკური განვითარების სამსახ- ურის ინფრასტრუქტურის განვითარე- ბისა და კეთილმოწყობის განყოფილების მიერ 2018 საბიუჯეტო წელს გაწეული მუშაობის ანგარიში

მუნიციპალიტეტის ტერიტორი-  
აზე. ინფორმაციები პროგრამის  
შესრულების მიმდინარეობის  
თაობაზე ყოველკვირეულად  
იგზავნება საქართველოს რე-  
გიონული განვითარებისა და  
ინფრასტრუქტურის სამინისტროში და გუბერნიაში. მაქსი-  
მალურად ვცდილობთ, ხელი  
შეგუწოთ პროცესების ნორ-  
მალურად წარმართვასა და  
სამუშაოების დროს წარმოქმ-  
ნილი პრობლემების ოპერატი-  
ულად აღმოფხვრას.

საანგარიშო პერიოდში, სამ-  
სახურს განცხადებით მომარ-

თა არაერთმა მოქალაქემ სტიქიის შედეგად დაზიანებული საცხ-  
ოვრებელი სახლების აღსადგენად ფულადი დახმარების ან  
სამშენებლო მასალების გამოყოფის თაობაზე. ასეთ განცხადე-  
ბათა რაოდენობა სულ უფო იზრდება. სამწუხაროდ, სამსახური  
მოკლებულია შესაძლებლობას გაატაროს ქმედითი ღონისძიებები  
ამ მიმართებით მოსახლეობის მოთხოვნების დასაკმაყოფილებ-  
ლად. თუმცა, უნდა აღინიშნოს, რომ ხშირ შემთხვევაში მოთხ-  
ოვნები უსაფუძვლოა, საცხოვრებელ სახლებზე არსებული და-  
ზიანებები, განსაკუთრებით სახურავებთან მიმართებაში, მათი  
სიძველეთა გამოწვეული და არა რაიმე სახის სტიქიური მოვ-  
ლენის გამო. ზარალის დამდგენ კომისიასთან ერთად, უნდა შევი-  
მუშაოთ დამატებითი ღონისძიებები ამ მიმართებით შეფასების  
კონკრეტული კრიტერიუმების განსაზღვრისა და მოსახლეობის  
ინფორმირებულობისათვის.

აქტიურად ვითანამშრომლებთ მრავალსაცხოვრებელ ბინებში  
შექმნილ ბინისმესაკუთრეთა ამხანაგობებთან. მუნიციპალიტეტში  
სულ 48 ამხანაგობაა ამ ეტაპზე რეგისტრირებული. ადგილებზე  
გასვლით, მოხდება მობინადრეთა ინფორმირება ბინისმესაკუთრე-  
თა ამხანაგობების ჩამოყალიბების უპირატესობის, ამხანაგობის  
მიერ საერთო ქონებით სარგებლობის, მისი გამოყენებისა და  
განკარგვის, თანადაფინანსების პრინციპით საცხოვრებელ სახ-  
ლებში არსებული პრობლემების მოგვარებასთან დაკავშირე-  
ბულ საკითხებზე. ვფიქრობთ, მომავალში უნდა გამოვიყენოთ  
ამ მიმართებით სხვა მუნიციპალიტეტების გამოცდილება და  
ბინისმესაკუთრეები აქტიურად ჩავართოთ, თანადაფინანსების  
პრინციპით, მათივე პრობლემების მოგვარებაში, ხოლო ადგილო-  
ბრზე ბიუჯეტში გათვალისწინებული იქნას დაფინანსება ისეთი  
მიმართულებებით, როგორცაა საცხოვრებელი სახლების ეხოე-  
ბის, მისასვლელი გზების, სადარბაზოების შეკეთება და კეთილმ-  
ოწყობა.

შემოსულია მოქალაქეთა 3048-მდე განცხადება და წერილი. დას-  
მული საკითხები, უმეტესწილად, ინფრასტრუქტურული პრობლემე-  
ბის მოგვარებასთანაა დაკავშირებული. მათი უმეტესობა კომისი-  
ურადაა შესწავლილი და გაცემულია არგუმენტირებული პასუხი.  
საკითხები, რომლებიც მნიშვნელოვან დანახარჯებს არ საჭიროე-  
ბენ, მოგვარებულია. დანარჩენები აღრიცხულია, შეძლებისდაგ-  
ვარად იქნება გათვალისწინებული და შესაბამისი ზომები მიღე-  
ბული.

სამსახური მოტივირებულია და ყველაფერს გააკეთებს მასზე  
დაკისრებული ფუნქციონალური მოვალეობების შესასრულებ-  
ლად, რითაც თავის მოკრძალებულ წვლილს შეიტანს მუნიცი-  
პალიტეტში არსებული ინფრასტრუქტურული პრობლემების მოგ-  
ვარებისა და ამ მიმართებით ადგილობრივი თვითმმართველობის  
წინაშე მდგომი ამოცანების წარმატებით გადაწყვეტის საქმეში.

ხაშურის მუნიციპალიტეტის მერიის ეკონომიკური განვი-  
თარების სამსახურის მუნიციპალური ქონების აღრიცხვისა და  
მართვის განყოფილების მიერ 2018 წ. გაწეული საქმიანობის  
ანგარიში

ხაშურის მუნიციპალიტეტის მერიის ეკონომიკური  
განვითარების სამსახურის, მუნიციპალური ქონების აღრიცხვი-  
სა და მართვის განყოფილება თავის საქმიანობას წარმართავს  
საქართველოს კონსტიტუციის, ადგილობრივი თვითმმართველო-

(დასასრული)

ბის კოდექსის შესახებ“ ორგანული კანონის; საქართველოს მთავრობის 08.12.2014წ. №669 და 20.02.2014წ. №189 დადგენილებების, ეკონომიკური განვითარების სამსახურის დებულების და მოქმედი კანონმდებლობის შესაბამისად. ხაშურის მუნიციპალიტეტის მერიის ეკონომიკური განვითარების სამსახურის, მუნიციპალური ქონების აღრიცხვისა და მართვის განყოფილების მიერ გატარებული ღონისძიებებისა და პროცედურების შესაბამისად, ხაშურის მუნიციპალიტეტის საკუთრებაში 2018 წ. დამატებითი ქონების სახით გადმოგვეცა სახელმწიფო საკუთრებაში არსებული 3-ობიექტი: 1. დაბა სურამი, კოსტავას ქ. №2, არასასოფლო-სამეურნეო დანიშნულების (ს/კ 69.04.61.352) მიწის ნაკვეთი და მასზე განთავსებული შენობა-ნაგებობა; 2. დაბა სურამი, რუსთაველის ქ. №139 არასასოფლო-სამეურნეო დანიშნულების (ს/კ 69.04.62.409) მიწის ნაკვეთი და მასზე განთავსებული შენობა-ნაგებობა; 3. ხაშური, წმინდა ნინოს ქ. №1, არასასოფლო-სამეურნეო დანიშნულების (ს/კ 69.08.53.918) 1637 კვ. მ. მიწის ნაკვეთი; ხაშურში, იმერეთის ქ. №103-ში მდებარე უძრავ ქონებაზე გაფორმდა ნაყიდობის ხელშეკრულება (ს/კ 69.08.59.198.01.500), ხოლო რაც შეეხება ხაშურის მუნიციპალიტეტის საკუთრებაში არსებულ, ხაშურში, კოსტავას ქუჩაზე მდებარე 724 კვ. მ არასასოფლო-სამეურნეო დანიშნულების ძირითად (განუსხვისებელ) უძრავ ქონებას, ხაშურის მუნიციპალიტეტის საკრებულოს 6.03.2018 წ. №24 განკარგულებით, შეეცვალა სტატუსი და გამოცხადდა ელექტრონული აუქციონი პრივატიზების შესახებ. აუქციონი შედგა და აღნიშნული უძრავი ქონება გაიყიდა 110 000 ლარად. გადმოცემის პროცესშია ხაშურში, კოსტავას ქუჩაზე მდებარე 2754 კვ. მ არასასოფლო-სამეურნეო დანიშნულების მიწის ნაკვეთი (ს.კ.69.08.58.028). მიწის ნაკვეთი წარმოადგენდა მუნიციპალიტეტის საკუთრებას. ხაშურის მუნიციპალიტეტის საკრებულოს 2011 წლის 30 აგვისტოს №113 განკარგულებით, სახელმწიფოს ინტერესებიდან გამომდინარე, განხორციელდა აღნიშნული ქონების სახელმწიფოს სასარგებლოდ მიტოვება, ამ ტერიტორიაზე გამოიწვეა იყო იუსტიციის სახლის მშენებლობა, რაც არ განხორციელდა, ხოლო სახელმწიფო ქონების ეროვნული სააგენტოს მოთხოვნით, ხაშურის მუნიციპალიტეტმა, იუსტიციის სახლის ასაშენებლად, სახელმწიფოს გადასცა ხაშურში, თამარ მეფის ქ. №9-ში მდებარე 3766 კვ.მ ფართობის არასასოფლო-სამეურნეო დანიშნულების მიწის ნაკვეთი ს.კ. 69.08.58.236. მივიღეთ საპრივატიზებო გეგმის პროექტი ხაშურის მუნიციპალიტეტის საკუთრებაში არსებული, ხაშურის ცენტრალური სტადიონის დემონტაჟის შედეგად სავარაუდოდ მისაღები მეორადი გამოყენებისათვის ვარგისი სამშენებლო მასალების პრივატიზების შესახებ. მზადების პროცესშია, ხაშურში, იმერეთის ქუჩაზე (ს/კ 69.08.60.366) და ხაშურში, ბეჟაურის ქუჩაზე (ს/კ 69.08.65.021) მდებარე უძრავი ქონებების პრივატიზაციის გეგმის მიღება.

საქართველოს მთავრობის 2014 წლის 20 თებერვლის №189 დადგენილებით, კანონიერი მოსარგებლისათვის გადასაცემი არაპრივატიზებული საცხოვრებელი და არასაცხოვრებელი (იზოლირებული და არაიზოლირებული) ფართობის ადგილობრივი თვითმმართველობის ადმინისტრაციული ორგანოების მიერ კანონიერი მოსარგებლებისათვის უსასყიდლოდ საკუთრებაში გადაცემის წესის შესაბამისად, 2018 წ. მომზადდა 14 პროექტი. აქედან 2 განცხადებაზე მომზადდა უარის ბრძანების პროექტი, 12 განცხადება დაკმაყოფილდა და გაიცა ბინის საკუთრების უფლების მოწმობა.

მოქალაქეთა საცხოვრებელი ფართით დაკმაყოფილების მოთხოვნათა ელექტრონულ ბაზაში 2018 წ. შეყვანილია -38 ბენეფიციარი.

საკრებულოს თანხმობით, მივიღეთ საპრივატიზებო და სარგებლობის უფლებით გადასაცემი ობიექტების ნუსხა და დოკუმენტაციის შესაბამისი პაკეტი, რომელთა გაცემა მოქმედი კანონმდებლობის დაცვით განხორციელდა ელექტრონული აუქციონის წესით. მომზადდა პროექტი ელექტრონულ აუქციონზე გასატანად, ხაშურის მუნიციპალიტეტის საკუთრებაში არსებული, სოფ. გომში მდებარე ადმინისტრაციული შენობიდან ( ს.კ. 69.02.65.204), 64,4 კვ.მ. უძრავი ქონების იჯარის ფორმით გადაცემასთან დაკავშირებით. მივიღეთ საპრივატიზებო გეგმის პროექტი ხაშურის მუნიციპალიტეტის საკუთრებაში არსებული, ხაშურის ცენტრალური სტადიონის დემონტაჟის შედეგად, სავარაუდოდ, მისაღები მეორადი გამოყენებისათვის ვარგისი სამშენებლო მასალების პრივატიზების შესახებ. მზადების პროცესშია, ხაშურში, იმერეთის ქუჩაზე (ს/კ 69.08.60.366) და ხაშურში, ბეჟაურის ქუჩაზე (ს/კ 69.08.65.021) მდებარე უძრავი ქონებების პრივატიზაციის გეგმის მიღება.

ხაშურისა და დაბა სურამის სასაქონლო პარკებში ატრაქციონების განსაზღვრებად, გაფორმდა ხელშეკრულებები იჯარით გასაცემაში ფართების შესახებ .

2018 წლის 28 ოქტომბრის საპრეზიდენტო არჩევნების შედეგად წარმოებისათვის, მოწესრიგდა საარჩევნო კომისიების განსათავსებლად, 52 საარჩევნო უბანი, მათ შორის, 5 საარჩევნო უბნისათვის შეირჩა სათანადო შენობა-ნაგებობა და კერძო პირებთან გაფორმდა ქირავნობის ხელშეკრულება.

მომზადდა პროექტები ა(ა)იპ ხაშურის მუნიციპალიტეტის

საბიბლიოთეკო გაერთიანებისათვის ხაშურის მუნიციპალიტეტის საკუთრებაში არსებული, დაბა სურამში და სოფ. ცხრამუხაში მდებარე უძრავი ქონების სარგებლობის უფლებით, უსასყიდლო უზუფრუქტით გადაცემის შესახებ, აგრეთვე ა(ა)იპ „სკოლისგარეშე“ სასპორტო საგანმანათლებლო დაწესებულების ხაშურის კომპლექსური სასპორტო სკოლას“ სარგებლობის უფლებით, უსასყიდლოდ, უზუფრუქტის და თხოვების ფორმით გადაცემით უძრავ-მოძრავი ქონება.

ხაშურის მუნიციპალიტეტის 100 %-იანი წილობრივი მონაწილეობით დაფუძნებულია 5 შპს, რომლებიც ორიენტირებულია არიან საბალანსო მოვების მიღებაზე და თავის საქმიანობას ახორციელებენ კანონის სრული დაცვით.

1. შპს სურამის სადაბო პოლიკლინიკის (ს.კ 243861228) შემოსავალმა 2017-2018 წელს სულ შეადგინა 142 605 ლარი, აქედან, ამბულატორიულმა მომსახურებამ -116 864 ლარი, შიდა სტანდარტებმა-25 741 ლარი. გაწეულმა ხარჯებმა შეადგინა- 140 029 ლარი. ეკონომიკური საქმიანობის შედეგად მიღებულია 2576 ლარი. ამბულატორიას ემსახურება 40 თანამშრომელი.

2. შპს ხაშურის დეზინფექციის, დეზინსექციის, დერატიზაციისა და სტერილიზაციის სამსახურის ( ს.კ 243861148) შემოსავალმა სულ შეადგინა 28 244 ლარი, გაწეულმა ხარჯებმა 27 204 ლარი, რის შედეგადაც მიღებულია მოგება 1040 ლარის ოდენობით. საზოგადოებას ემსახურება 5 თანამშრომელი.

3. შპს არქიტექტორის (ს.კ 243889903) მომსახურებიდან შემოსავალმა სულ შეადგინა 25 105 ლარი. 2017-2018 წელს მიღებულია ზარალი. საზოგადოებას ემსახურება 3 თანამშრომელი, პერიოდულად შესასრულებელი სამუშაოების გათვალისწინებით, ჰყავთ ხელშეკრულებით დაქირავებული თანამშრომლები.

4. შპს ტეხრის საექიმო ამბულატორიის (ს.კ 243861148) შემოსავალმა სულ შეადგინა 855 ლარი. გაწეულმა ხარჯებმა შეადგინა 669 ლარი და ეკონომიკური საქმიანობის შედეგად მიღებულია მოგება- 186 ლარი. საზოგადოების ასეთი მცირე შემოსავალი გამოწვეულია, საყოველთაო დაზღვევის ფარგლებში, სოფლის მოსახლეობის უფასო მომსახურებით. ამბულატორიაში დასაქმებულია 3 თანამშრომელი.

5. შპს ქვიშეთის საექიმო ამბულატორია თავის საქმიანობას ახორციელებს სახელმწიფო პროგრამის ფარგლებში, რომელიც გულისხმობს მოსახლეობის უფასო მომსახურებას, რის შედეგადაც საზოგადოებას არ გააჩნია შემოსავალი. ამბულატორიაში დასაქმებულია 4 თანამშრომელი.

მიმდინარეობს ხაშურის მუნიციპალიტეტის 100 %-იანი წილობრივი მონაწილეობით დაფუძნებული შპს ოაზისის“, შპს „საზოგადოებრივი ჯანდაცვის ცენტრის“, შპს „სანიტარული დასუფთავების“ და შპს „ნათების“ ლიკვიდაციის პროცესი.

ხაშურის მუნიციპალიტეტის მიერ დაფუძნებულ არასამეწარმეო (არაკომერციული) იურიდიულ პირებზე გადაცემული იქნა სარგებლობის ფორმით სხვადასხვა უძრავ-მოძრავი ქონება. მუნიციპალური ქონების აღრიცხვისა და მართვის განყოფილებაში 2018 წ. მერის რეზოლუციით დაგვეწერა 2400-მდე კორესპონდენცია, რომლის 95 % შესრულებულია.

**სივრცითი მოწყობის და არქიტექტურულ-სამშენებლო საქმიანობის რეგულირების განყოფილების მიერ 2018 წელს გაწეული საქმიანობის ანგარიში**

2018 წელს, მოქალაქეთა მიერ შემოტანილი განცხადებების საფუძველზე, განხილული და დამტკიცებული იქნა მიწის ნაკვეთის სამშენებლოდ გამოყენების პირობები (სულ 130 ერთეული) - შემდგომში ნებართვების მისაღებად, შეთანხმებულია - I კლასის ობიექტების მშენებლობის 105 პროექტი, შეთანხმებულია 25 დოკუმენტაცია მიწის ნაკვეთის კატეგორიის ცვლილების შესახებ, დადგინდა ბინათმესაკუთრეთა ამხანაგობის საკუთრებაში არსებული 20 მიწის ნაკვეთების საზღვრები - პასუხი გაეცა ფიზიკური და იურიდიული პირებისგან შემოსულ მრავალ განცხადებას. გაიცა მშენებლობის 115 ნებართვა, მათ შორის: საზოგადოებრივი ნაგებობებზე - 27, საცხოვრებელ სახლებზე - 33, კომერციულ ობიექტებზე - 19, დემონტაჟი - 7, რეკონსტრუქცია - 12, სასაწყობე შენობებზე - 3, ანბა - 2, ქარხანა - 1, სასტუმრო - 2, ავტოფარეხი - 5, დამხმარე სათავსო - 4.

მშენებლობის სანებართვო მოსაკრებლებიდან შემოსულმა თანხამ შეადგინა - 99940 ლარი.

შედარებისთვის, მოვიყვანო წინა წლების სტატისტიკურ მონაცემებს:

2010 წელს გაიცა მშენებლობის	30 ნებართვა;
2011 წელს გაიცა მშენებლობის	34 ნებართვა;
2012 წელს გაიცა მშენებლობის	57 ნებართვა;
2013 წელს გაიცა მშენებლობის	67 ნებართვა;
2014 წელს გაიცა მშენებლობის	84 ნებართვა;
2015 წელს გაიცა მშენებლობის	125 ნებართვა;
2016 წელს გაიცა მშენებლობის	127 ნებართვა;
2017 წელს გაიცა მშენებლობის	132 ნებართვა;
2018 წელს გაიცემულია	115 ნებართვა.



### - ერთი დღე საბავშვო ბაღში - ბავშვებზე ზრუნვით ქვეყნის მომავალი იქმნება

ბავშვზე ზრუნვა, მისი დაბადების მომენტიდან იწყება, მასზე თანაბრად უნდა ზრუნავდეს ოჯახიც და სახელმწიფოც. მისი პირველი შეხება საზოგადოებრივ ინსტიტუტებთან, საბავშვო ბაღიდან იწყება, სადაც ვითარდება მისი გონებრივი უნარ-ჩვევები. როგორც მოგეხსენებათ, ჩვენმა გახეთმა, ერთგვარ რუბრიკად აქცია საბავშვო ბაღებში სტუმრობა. დღევანდელი ჩვენი მასპინძელი ვაყის საბავშვო ბაღია. ჩვენი არჩევანი სხვადასხვა მიზეზითაა მნიშვნელოვანი. საბჭოთა კავშირის დაშლის შემდეგ, ბევრი რამე შეიცვალა, ან მოიშალა ქვეყანაში, ეს ყველაზე მეტად საბავშვო ბაღებს შეეხო. ამ მხრივ, ყველაზე მძიმე სიტუაციაში



სოფლები აღმოჩნდნენ-სოფლების უმრავლესობას ეს აუცილებლობა, ფაქტობრივად, მოეპოვება. ასეთ სიტუაციაში აღმოჩნდა ვაყის საბავშვო ბაღიც. ამის შემდეგ, წლები გავიდა, სურვილი დიდი იყო, თუმცა რეალობის შეცვლა შორეულ პერსპექტივაშიც არ ჩანდა. დღეს, სხვა რეალობაა, ახალი ხელისუფლების პირობებში, ბევრი რამ სასიკეთოდ შეიცვალა-დიდი იყო სოფლის მოსახლეობის მონდომება.

კარს უკან ბავშვობა იწყება, ფერადი, უდარდელი-სხვა ემოციების და გულწრფელი ურთიერთობების. ისეთ დროს ვესტუმრე, როცა სამზარეულოდან შემოსული საოცარი სურნელი ტრიალებდა. პატარებმა მიმასპინძლეს, დაიმორცხვეს, გაწითლდნენ. საბავშვო ბაღის მენეჯერმა, ყველა ის ადგილი მაჩვენა, სადაც ბავშვებს თამაში, სწავლა, ძილი უწევთ, სადაც მათთვის საკვები მზადდება, პირად ჰიგიენას იცავენ, გონებრივად ზრდიან. ბაღში ორი ასაკობრივი ჯგუფია. სანამ ბავშვებთან ვისაუბრებდი, მანამდე საბავშვო ბაღის მენეჯერმა მია ნინიაშვილმა ბაღის გახსნის ისტორიაზე, აუცილებლობაზე და არსებულ პირობებზე ისაუბრა:



- როგორც ყველგან, ჩვენთანც საბჭოთა კავშირის დროს იყო საკმაოდ კარგი საბავშვო ბაღი, მოგვიანებით, გაიფლანკდა და ფაქტობრივად, სოფელში

სხვა ალტერნატივა აღარც იყო. 2008 წელს, პოლონეთის საერთაშორისო ორგანიზაცია „ედუკატორის“ მხარდაჭერით და ერთ-ერთი ქართული არასამთავრობო მონაწილეობით, საქართველოში 6 საბავშვო ბაღი გახსნეს, ერთი, მათ შორის, ვაყაშიც, სკოლის შენობაში. პროექტი მხოლოდ ერთ წელს მოიცავდა, გადაგვამზადეს და აქცენტი მხოლოდ სწავლაზე იყო გაკეთებული. ამ ყველაფერმა ნათლად დაგვანახა იმის საჭიროება, რომ სოფელს ჰქონოდა საბავშვო ბაღი, მშობლებსაც დიდი მოლოდინი და სურვილი გაუჩნდათ. მაშინდელმა ხელისუფლებამ დაგვაფინანსა და გავაგრძელეთ ფუნქციონირება.



ამან მშობლების დიდი აქტიურობა და მონდომება გამოიწვია, ისინი თანაბრად მონაწილეობდნენ ყველა პროცესში, რაც ძალიან მნიშვნელოვანი იყო.

- ამის შემდეგ როგორ გაგრძელდა პროცესები?  
-ახალი მთავრობის პირობებში, ბევრი რამე შეიცვალა. თუმცა, საბავშვო ბაღის მშენებლობა, სოფლის მხარდაჭერის პროგრამით დაიწყო. მშენებლობა ხუთი წლის განმავლობაში მიმდინარეობდა. სოფლის მხარდაჭერის პროგრამით გამოყოფილი თანხა მცირე იყო, საბავშვო ბაღისთვის დამატებითი ინფრასტრუქტურის მოწყობა იყო საჭირო, რაც ხაშურის მუნიციპალიტეტმა განახორციელა. ამ დროს, საბავშვო ბაღების გაერთიანება შეიქმნა და მისმა უფროსმა დავით ნოზაძემ, რა თქმა უნდა, მუნიციპალიტეტის მერთან ერთად, ძალისხმევა არ დაიშურეს იმისთვის, რომ ყველა პროცესი თავის ვადებში დასრულებულიყო, იქნებოდა ეს ცენტრალური გათბობის გაყვანა, ავეჯი, ინვენტარი თუ სხვა საჭიროების ნივთების შექმნა.

- ოფიციალურად როდის დაიწყო ფუნქციონირება?  
-2016 წელს უკვე დაიწყო ფუნქციონირება. ორი ჯგუფი ფუნქციონირებს, 60 ბავშვზეა გათვლილი, ახლა 58 ბავშვი გვყავს. რაც არის მომართვიანობა, ვაკაყოფილებთ სრულად.

- ნანახმა ნამდვილად გამოიწვია ჩემი კმაყოფილება, ყველა სტანდარტი დაცულია...

- ინფრასტრუქტურულად ყველანაირად გამართული პირობები გვაქვს, კვება სამჯერადია, გათბობა, სათამაშოები. ვასწავლით პირად ჰიგიენას, ვუყავლიბთ უნარ-ჩვევებს. ერთადერთი პრობლემა, რაც ამ ეტაპზე გვაქვს, ესაა ეზო, შემოუღობავია და ბავშვების უსაფრთხოების დაცვის მიზნით, იმ ტერიტორიაზე ვერ გავგყავს სათამაშოდ.

- რამდენადაც ვიცი, სანიტარული სამსახურიც ხშირად შემოდის საბავშვო ბაღში. ჰიგიენური ნორმები რამდენადაა დაცული?

-საკანცელარო ნივთები და ჰიგიენის საშუალებები სისტემატურად მოგვეწოდება. კვირაში ორჯერ ხდება ჭურჭლის დეზინფექცია. ყოველი თვის პარასკევი გამოცხადებულია სანიტარულ-ჰიგიენურად დასუფთავების დღედ. მოწოდება ბავშვების საკვები პროდუქტები. ყოველ კვირა შემოდის როგორც ადგილობრივი სანიტარული სამსახური, ასევე რეგიონული და დარღვევა, ფაქტობრივად, არასდროს აღმოუჩენიათ, ძალიან კმაყოფილები არიან ხოლმე. მინდა, აღვნიშნო, რომ ჩვენს მუნიციპალიტეტში, საბავშვო ბაღების ინფრასტრუქტურა ძალიან მაღალ დონეზეა. კვება სამჯერადია და მრავალფეროვანი.

- რამდენი თანამშრომელი ხართ ბაღში? თუ ხდება მასწავლებელთა კვალიფიკაციის ამაღლება?

ამ ეტაპზე 11 თანამშრომელი ვართ. ახალი სტანდარტები დამტკიცდა 2017 წლის ოქტომბერში, საგანმანათლებლო კუთხით. ეტაპობრივად და სისტემატურად ხდება მასწავლებელთა კვალიფიკაციის ამაღლების ტრენინგები. არ შემიძლია, არ აღვნიშნო ჩვენი მუნიციპალიტეტის მერის გიორგი გურასაშვილის და ბაღების გაერთიანების უფროსის, დავით ნოზაძის მხარდაჭერა. რაც ძალიან მნიშვნელოვანია ჩვენთვის, რადგან ვაკეთებთ საქმეს, რომელიც ქვეყნის ხვალისდელი დღეა და ბავშვებზე ზრუნვით, ჩვენი ქვეყნის მომავალს ვქმნით.

თ, ჯავახიშვილი

### სოფელ ფლევიში გამწვანების აქცია მოეწყო



სოფელ ფლევიში სოფლის მაჟორიტარის, ხაშურის მუნიციპალიტეტის საკრებულოს ფრაქცია „პატრიოტთა ალიანსი-დამოუკიდებლების“ თავმჯდომარის მიხეილ კაპანაძის ინიციატივითა და ადგილობრივი მოსახლეობის თანადგომით გამწვანების აქცია მოეწყო.

გარემოს დაცვის შიდა ქართლის სატყეო სამსახურის უფროსთან გიორგი ნიკოლეიშვილთან და სპეციალისტებთან კონსულტაციის შედეგად დაირგო 300 ძირი მარადმწვანე ნერგი.

აქცია სოფლის მაჟორიტარი დეპუტატი სიმონ ნოზაძე და მერის წარმომადგენელი ფლევის ადმინისტრაციულ ერთეულში როინ ცხოვრებაძე. გამწვანების აქციები მომავალშიც გაგრძელდება.

### დიმიტრი ყიფიანის სახლ-მუზეუმის სარეაბილიტაციო სამუშაოები განახლდა



შიდა ქართლის წარმომადგენელ-გუბერნატორმა გიორგი ხოჯევანიშვილმა, სოციალური ქსელის საშუალებით, ინფორმაცია გაავრცელა, რომელსაც უცვლელად გთავაზობთ:

სოფელ ქვიშხეთში დიმიტრი ყიფიანის სახლ-მუზეუმის სარეაბილიტაციო სამუშაოები განახლდა. როგორც იცით, პროცესი გარკვეული დროის განმავლობაში, სხვადასხვა ობიექტური მიზეზის გამო, შეჩერებული იყო, თუმცა ახლა სამუშაოები ინტენსიურად მიმდინარეობს და მუზეუმი ზაფხულის სეზონზე უკვე შეძლებს დამოვალეირებლებს უმასპინძლოს.

ყიფიანის სახლ-მუზეუმის აღდგენა-რეაბილიტაციას მრავალმხრივი დატვირთვა აქვს და მოხარული ვარ, რომ ამ პროცესში შიდა ქართლის რწმუნებულის ადმინისტრაციას, ხაშურის მუნიციპალიტეტის მერიასთან ერთად, თავისი მოკრძალებული წვლილი შეაქვს. ისეთ საზოგადო მოღვაწეს, როგორც დიმიტრი ყიფიანი იყო, ვფიქრობ, კიდევ უფრო მეტი დაფასება სჭირდება. გარდა ამისა, ქვიშხეთი საკურორტო ზონაა და შესაბამისად, მუზეუმების, კულტურული ძეგლებისა და საზოგადოებრივი თავშეყრის ადგილების ინფრასტრუქტურის გაუმჯობესება ხელს შეუწყობს როგორც ტურისტული პროტენციის ზრდას, ისე ადგილზე ეკონომიკის განვითარებას, რაც თავისთავად, სასიკეთოდ აისახება ადგილობრივების ყოველდღიურ ცხოვრებაზე.

ამ დროისთვის, ჩვენი პრიორიტეტი მიმდინარე სამუშაოების ხარისხიანად და განსაზღვრულ ვადებში შესრულებაა. სწორედ ამიტომ, სამხარეო ადმინისტრაცია და ადგილობრივი თვითმართველობის წარმომადგენლები მაქსიმალურად ვართ მობილიზებული, რომ რეგიონში ადგილობრივი ხელისუფლების მუშაობა იყოს ეფექტიანი და თითოეული მოსახლის კეთილდღეობაზე აისახოს პროექტების განხორციელებით მიღებული შედეგი.

### სადაც მოხვედ, სიკეთე თესე

სკოლას არავითარი ჯილდო არ სჭირდება, ერთი საოცნებო და სანუკვარი ჯილდოს გარდა, როცა შენი აღზრდილი დაფრთხიანდება და შორს წავა... წავა, მაგრამ დაგიბრუნდება იმ სიყვარულით და სიკეთით, რომელიც ასწავლეთ-როგორ ეყურებინა სამყაროსთვის სიყვარულის და სიკეთის თვალთ. მაშინ ჩამოგიგორდება სიამოვნების ცრემლი და სკოლა ხარობს, იღებს შეუდარებელ ჯილდოს.

მოულოდნელი სიხარული მოგვანიჭა ფლევის საკრებულოს დეპუტატმა მიხეილ კაპანაძემ, როდესაც ფლევის საჯარო სკოლაში, საჩუქრებით დატვირთული გვეწვია და თითოეულ მოსწავლეს გული სიხარულით აუვსო. თვალწინ დამიდგა ის დღეები, როდესაც იგი აქამ კედლებში თვალანთებული შემოგვეყურებდა და იღებდა სულიერ საზრდოს, რომელსაც შემდგომ უხვად გააბნევდა.

ნონა გელაშვილი,  
ფლევის საჯარო სკოლის დაწესებულებითი  
კლასის პედაგოგი



### გომის საჯარო სკოლის მოსწავლეებმა პროექტი - "ცხოვრების ჯანსაღი წესის პოპულარიზაცია სკოლაში" განახორციელეს

ხაშურის მუნიციპალიტეტის, გომის საჯარო სკოლის X კლასის მოსწავლეებმა, სამოქალაქო განათლების პედაგოგ ციური თედიაშვილის ხელმძღვანელობით, პროექტი - „ცხოვრების ჯანსაღი წესის პოპულარიზაცია სკოლაში“ განახორციელეს.

სკოლის წარმომადგენლის თქმით, მოსწავლეებმა დაგეგმეს და ერთი კვირის განმავლობაში სხვადასხვა აქტივობა ჩაატარეს. სკოლის აღსაზრდელები სპორტულ შეჯიბრში მონაწილეობდნენ, მათ ასევე ჯანსაღი კვების მნიშვნელობაზე ისაუბრეს და სასარგებლო პროდუქტებით კერძები მოამზადეს.



### ცხადება ფოტო-ეონკურსი

ევროპის საბჭოს დაარსების 70 წლის იუბილესთან დაკავშირებით ევროპის საბჭო აცხადებს ფოტო-ეონკურსს #MakingEurope2019.

კონკურსის წესები:

კონკურსში მონაწილეობის მისაღებად, მსურველებმა უნდა შეარჩიონ ქვემოთ მოცემული ერთი ან რამდენიმე კატეგორია, გადაიღონ ფოტო და გამოაქვეყნონ ინსტაგრამ-ზე. დასაშვებია ერთი ავტორის მიერ ერთზე მეტი ფოტოს წარდგენა ერთ ან რამდენიმე კატეგორიაში.

ფოტოს განთავსებისას კონკურსანტებმა უნდა მიუთითონ ევროპის საბჭოს ინსტაგრამ გვერდი @councilofeurope, გამოიყენონ ჰაშთაგი #MakingEurope2019 და ასევე, მიუთითონ შესაბამისი კატეგორიის ჰაშთაგი:

- #people
- #places
- #moments
- #challenges

#blackandwhite

კონკურსში მონაწილეობა შეუძლია 13 წლის ასაკის ზემოთ ნებისმიერ პირს, რომელიც ცხოვრობს ევროპის საბჭოს წევრ ქვეყანაში.

კონკურსი დაიწყება 2019 წლის 4 თებერვალს და გაგრძელდება 2019 წლის 30 აპრილის ჩათვლით.

ყოური შეარჩევს გამარჯვებულ ფოტოს, მისი ხარისხის და კრეატიულობის მიხედვით, იმ ფოტოებს შორის, რომლებსაც მეტი მოწონება (like) ექნებათ. თითოეულ კატეგორიაში დაჯილდოვდება 1 ფოტო და ასევე კონკურსს ეყოლება 1 საერთო გამარჯვებული.

2019 წლის 30 ივნისს ცნობილი გახდება 6 გამარჯვებულის ვინაობა, რომლებიც მიიღებენ ევროპის საბჭოს სპეციალურ დიპლომს. დიპლომების გადაცემა მოხდება 2019 წლის ოქტომბერში, 70 წლის საიუბილეო თარიღის აღსანიშნავ სპეციალურ ღონისძიებაზე. საუკეთესო ფოტოები და გამარჯვებული ფოტოები გამოიფინება სტრასბურგში, ევროპის საბჭოში.

შეკითხვების შემთხვევაში დაუკავშირდით: photo.competition@coe.int.

ა(ა)პ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

ბ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.